

四庫全書

史部

欽定四庫全書

欽定日下舊聞考卷七十三

官署

十二

增提督九門巡捕三營步軍統領一人掌管門禁鎖鑰
統率八旗步軍三營將備以肅清

輦轂協理刑名部臣一人掌叅酌刑律所屬文職十有
七人武職六百六十人員外郎二人主事二人掌勾檢
旗營簿書司務一人掌稽察簿書兼理俸餉筆帖式十

有二人掌文移繙譯

會典 大清

臣等謹按凡本屬員外郎員闕咨吏部轉行各部院遴選主事移送與本衙門主事選擬正陪由統

領引

見補授主事由司務筆帖式內簡選亦如之司務于筆帖式內選擬正陪咨送吏部筆帖式咨吏部行各部院保送筆帖式簡選擬調由吏部引

見補用

增步軍統領衙門在地安門外顯佑宮之右廨舍共一

百四十二楹

步軍統領衙門冊

臣等謹按步軍統領康熙十三年始行設立無專署雍正十二年以宣武門內京畿道衙門內務府官房為之乾隆二十一年管步軍統領事傅恒以衙署偏在西南奏請與地安門外帽兒衙門禮部會同館互易奉

旨允行堂上恭懸額曰風清輦轂前列

訓辭曰輦轂之間兵民雜處必寬嚴互用禁暴戢民然後九陌風清四民和會

世宗御筆也

增左右翼步軍翼尉各一人八旗步軍協尉副尉各二
十四人掌董率守衛巡警掃除步軍尉每旗滿洲二十
四人蒙古漢軍各九人委署步軍尉每旗滿洲各五人
蒙古漢軍各二人掌分汛警夜清道詰姦捕盜步軍尉
滿洲每旗各三人蒙古漢軍每旗各一人緝捕盜賊稽

察姦宄頌催二千三十一人步軍萬七千八百四十七

人會典大清

臣等謹按步軍翼尉會該翼滿洲都統護軍統領各選驍騎叅領護軍叅領一人引

見補授協尉於該旗城門領副尉步軍尉內選擬如步
軍營不得其人會同該旗都統於男以下騎都尉
以上世爵內選擬正陪副尉於該旗步軍尉等官
內選擬步軍尉會該旗都統於委署步軍尉雲騎

尉前鋒護軍驍騎諸校城門吏隨旗行步之五六七八品官及調旗部員內選擬正陪委署步軍尉會同該旗都統於雲騎尉護軍驍騎諸校及隨旗行走之五六七八品官內選擬均引

見補授捕盜步軍尉於該旗步軍尉內遴委

增城門領內九門每門二人外七門每門一人城門吏同門千總內外門每門均二人掌嚴啟閉出入以稽詐

偽

會典 大清

臣等謹按城門領內九門以八旗滿洲外七門以八旗漢軍均於該旗步軍副尉步軍尉內選擬步軍營無可升授者會該旗於騎都尉雲騎尉內選擬正陪城門吏由該旗都統于前鋒護軍領催驍騎內選擬均引

見補授門千總移咨兵部銓補

增凡京師營房在

皇城內者八旗滿洲步軍宿衛之處九十所內城九門

各設巡房左翼三百二十七所右翼二百九十九所分
隸八旗滿洲蒙古漢軍門內皆令循環巡警附城列屋
三千六百十有六每旗各撥滿洲蒙古漢軍官兵挈眷
駐防並於城門外各設巡房八間即令駐防官兵分班
守衛外城七門設馬步兵巡房三百四十二所分隸巡

捕三營巡守

步軍統領
衙門冊

增內外城門各設班房更房內城百有五楹外城八十
楹城上各設戍守望內城八十四所外城四十三所

同上

增信礮總管一人五品官八旗各一人掌監守白塔信

礮
同上

臣等謹按監守信礮總管由八旗直年都統等以
八旗三四品世爵及監守信礮官內簡選十人引
見補授監守信礮五品官該旗都統於騎都尉雲騎尉
護軍驍騎校及六七八品官內擬正陪引

見補授

增中南北三營參將各一人游擊各一人掌訓練弁兵

分駐巡緝守備十有九人千總十有五人把總三十人
掌分守營汛緝捕姦匪外委千總十有五人外委把總
二十六人分汛協防隨營差委馬兵千四百四十人步
兵三千五百六十人

大清會典

臣等謹按巡捕三營叅將游擊守備以次升補均
簡選引

見補授千總以把總選補把總以外委千把總及馬兵
並發營補用之人拔補外委千把總皆循次拔補

在廣寧門內牛街外南一守備署在西直門外西關外
南二守備署在右安門外關廟外南三守備署在廣寧
門外大街

暢春園守備署在海甸莊

圓明園守備署在掛甲屯西衙衙

圓明園千總署在水磨地方

圓明園樹村守備署在樹村南把總署在甕山東北

靜宜園守備署在香山買賣街千總署在四王府把總

署在小屯村
上同

上同

增北營叅將分駐宣武門外斜街北營遊擊分駐安定門外大關內北東守備署在正陽門外東河沿內北西守備署在宣武門外鐵廠外東北守備署在東直門外大街外西北守備署在德勝門外大關外西一守備署在朝陽門外雞市口頭條衚衕同上

上同

臣等謹按乾隆四十六年以前三營弁兵廨舍之制如此

增乾隆四十六年奉

上諭京師輦轂重地向來步軍統領所管營務止分中
南北三營地方本屬廣濶又西北昆明湖一帶離城較
遠稽查巡緝更覺耳目難周所有從前額設官兵不敷
派撥且營制亦有參差未協之處其應如何添設兵丁
酌定營汛並管兵員弁及一切事宜著步軍統領衙門
會同各該部詳悉妥議具奏

上諭簿

增京城南北左右分設四營以合方位

圓明園為

聖駕每年駐蹕之處列為巡捕營之首原為南營今改

為中營共為中南北左右五營

冊兵部

臣等謹按中南北左右五營每營各設叅將一員

園庭增設副將一員其營汛之制中營五汛南營六汛
餘三營各轄四汛每汛千總二員把總四員經制
外委六員額外外委三員

增中營副將分駐海甸遊擊分駐四王府都司分駐

圓明園汎其

暢春園樹村香山三汎仍舊

樂善園汎管轄西直門外及長河

萬壽街諸處

冊 兵部

增南營叅將分駐崇文門外遊擊分駐菜市口其珠市

口西南一汎以都司分駐餘仍舊

同上

增北營四汎所轄以德勝安定東直朝陽門外石路北

界為限叅將署在德勝門遊擊署仍舊其德勝門守備改為都司餘三門俱以守備管轄

同上

增左營四汛所轄自朝陽門石道之南至東便廣渠左
安永定門以東叅將分駐朝陽門遊擊分駐東便門都
司分駐左安門外其朝陽東便廣渠三門仍各設守備

管轄

上同

增右營四汛所轄自阜成門以南至西便廣寧右安永定門以西叅將分駐阜成門遊擊分駐廣寧門都司分

駐右安門外其阜成西便廣寧三門仍各設守備管轄

上同

臣等謹按以上各條叙步軍統領

增火器營總統六人

以王公領侍衛內大臣都統前鋒護軍各統領兼任

掌教演

火器之政令八旗鳥槍護軍叅領十有六人鳥槍驍騎

叅領二十四人管鳥槍散秩官五十六人管礮散秩官

四十人鳥槍護軍校鳥槍驍騎校各一百十有二人管

礮驍騎校四十人八旗滿洲蒙古每佐領下鳥槍護軍

三人鳥槍驍騎四人礮驍騎一人

以上鳥槍護軍叅領為該管專設官餘均

以八旗滿洲蒙古官兵兼任 大清會典

臣等謹按乾隆三十五年奏准礮手馬甲歸併火器營操演礮房俱隸火器營管理

增火器營衙門在東四牌樓西

火器營冊

增凡訓練歲於七月十七日始

遇閏七月即于閏七月十七日為始

至次

年四月十八日止

封印日至開印日暫停

月以初四初九十四十

九二十四二十九等六日演礮初二初七十二十七二

十二二十七等六日演鳥槍初六十六二十六等三日
校射春秋會操於安定門外教場大操日隨大隊列陣
合操於仰善窪每年秋後奏請於盧溝橋演放子母礮
得

旨率官軍前往盧溝橋演放十日開演日祭礮儀節均

與漢軍同

大典
會典 大清

增左翼鑲黃正白鑲白正藍四旗礮廠在東直門北新

橋東教場康熙二十四年工部修建

八旗
冊

增右翼正黃正紅兩旗礮廠在西直門內樺皮廠康熙四十六年移建鑲紅鑲藍兩旗礮廠在宣武門內城隍

廟北

同上

增八旗火藥廠舊在德勝安定二門外康熙三十一年
秦明移貯濯靈廠及各門城上收貯

上同

增外火器營房在長河西岸藍靛廠後官廨一千二十
四楹官廳義學等房六十楹礮甲連房六千三十八楹
圍牆大門樓四座看牆八道周圍門樓三千一百七十

六座虎皮石院牆長二萬七丈有奇曲尺牆三千一百四十座外圍大牆長一千一百六十六丈有奇隨門平橋四座牆脚下洩水溝二十五道護牆河長一千一百八十餘丈有奇鑿井十六建水房十六楹其西門外建翼長廨舍一所乾隆三十五年奉

旨創建撥八旗滿洲火器營官員兵丁駐此

同上

增外火器營西門之西設立大教場為八旗合操之地建演武廳一座五楹抱厦三楹配殿六楹看守房四楹

大門樓一座隨牆門二虎皮石圍牆長三十八丈四尺有奇廳前月臺三出陞以備合操時

聖駕臨閱乾隆三十九年又於火器營南門外藍靛廠
後設小教場以為兵士早晚較射之地

上同

臣等謹按火器營官署向止城內東四牌樓一處至操演訓練俱會於安定門外教場乾隆三十五年

上命於長河西岸另立教場為外火器營並建蓋營房

撥本營八旗滿洲弁兵移駐俾羣聚環居便于演習仰見我

皇上訓練士卒之心至周且密矣

臣等謹按以上各條敘火器營

增健銳營總統無定員

以公侯大臣兼任

翼領二人前鋒叅領

八人副前鋒叅領八人署前鋒叅領十有六人前鋒校

五十人副前鋒校四十人什長五十人筆帖式四人前

鋒千人

副校什長筆帖式均在內

委前鋒千人習雲梯馬步射鳥槍

馳馬躍馬舞鞭舞刀水戰駕船駛風之技翼領督率所

屬隨時訓練

大典
會典
大清

臣等謹按水師習戰於昆明湖而轄于香山健銳營

又按凡翼領員關於前鋒叅領內由總統遴選擬
定正陪引

見補授其前鋒叅領副前鋒叅領署前鋒叅領前鋒校
副前鋒校以次升補亦如之至副前鋒校員關於

筆帖式什長內選補什長筆帖式前鋒委前鋒以
次拔補亦如之委前鋒闕於養育兵間散壯丁及
八旗驍騎養育兵內拔補養育兵闕于壯丁內拔
補

增健銳營衙門在

靜宜園東南圍牆四角有碉樓四座共房二十二楹

皇上閱兵演武廳一座後有看城及東西朝房放馬黃

城

健銳
營冊

臣等謹按演武廳乾隆十四年奉

勅建立為健銳雲梯營肄武之地廳內恭懸

御書聯曰選士勵無前遠宣偉績練軍垂有久永視成規圓城南門石額曰威宣壁壘北門石額曰志喻

規圓城南門石額曰威宣壁壘北門石額曰志喻

金湯皆

御書北樓上及廳南碑亭皆恭勒乾隆十四年

御製實勝寺記恭載入郊垌門實勝寺條內土城門五

內設礮樓七處西城樓門一

增健銳營官兵營房在

靜宜園之左右翼共三千五百三十二楹碉樓六十八

所

健銳營
衙門冊

增乾隆三十二年

御製演武廳閱武作 健銳練精旅香山聚隊居知方

素嘉爾閱武便臨予所向糾桓實寧誇聲勢虛展伸佈

行雁偏伍列麗魚撫壯誠欣矣問勞尚憫如藉茲成偉

績

前此平定回部時健銳營士卒所至奮
勇先登屢奏攻堅陷陣之勇遂成大功

者定可忘諸

增乾隆十五年

御製賜健銳雲梯營軍士食即席得句

有序

朕于寶勝

寺傍造室廬以居雲梯軍士命之曰健銳雲梯營室成
居定茲臨香山之便因賜以食是營皆去歲金川成功
之旅適金川降虜及臨陣俘番習工築者數人令附居
營側是日并列衆末俾預惠焉 猶憶前冬月雲梯始
習諸功成事師古戈止衆寧居實勝招提側華筵快霽
初飲魚何必惜可以逮豚魚

增乾隆三十四年

御製閱武詩 自葺寶勝寺爰居健銳營鋪敦恒藉是
開拓竟因成緬甸何無賴王師斯有征衆臣奉命討耆
定貴先聲

增乾隆三十七年

御製閱武詩 八旗子弟兵健銳此居營聚處無他誘
勤操自致精一時看斫陣異日待干城亦已收明效西
師頗著名

臣等謹按以上各條叙健銳營

增三旗虎槍營總統一人

以公侯領侍衛內大臣簡仕

總領六人

以

大臣都統前鋒護軍統領副都統侍衛泰領

簡補三旗虎槍六百人旗各二百

人

于侍衛泰領親軍前鋒護軍驍騎校親軍前鋒護軍領催驍騎及間散人內選用

虎槍長旗

各七人副長七人

于虎槍人內簡選引見補授

恭遇

車駕巡狩虎槍總統總領日以十人佩虎槍於前導侍

衛前行安營後偵虎豹出入備仗弩箭犁刀

行田遇大獸則列槍從之奉

旨殺虎或追踪或尋山得實具奏有

旨則殺虎以獻以首先刺虎一二人名奏

聞如差往畿輔近地或於口外殺虎量地方遠近奏請
簡總統或總領酌帶虎槍人前往選八旗善騎射者旗
各叅領二人前鋒護軍校二人前鋒護軍十有八人共
一百六十人

行田時於蒙古圍後列隊隨行獸有逸出圍外者馳騁

射獵以厲士氣以整軍容

大清
會典

臣等謹按虎槍營總統總領等官皆

御前侍衛大臣等兼攝之無定員亦無專署也

原正統七年建王府於大明門之右遂營武成王廟於

後軍都督府

明英宗實錄

原五軍都督府在關之西皆東向

春明夢餘錄

以上二條
原在城市

門今
移改

臣等謹按五軍都督府久廢考明史五軍都督掌理軍政所謂五軍者中軍左掖右掖左哨右哨也

明初兵制亦有可觀厥後更變不一日就廢弛正
嘉天崇之間提督武臣或用世胄紈袴或用閹豎
專制未嫻軍旅惟務因循平時則空名支餉臨事
則束手無能此固立法之未精亦由用人之不當
也今以五軍都督府各條附之卷末以考其得失
益可見我

朝兵制精詳小大相維竒正互應八旗勁旅整肅謹嚴
翊衛無疆信足立極萬世矣

原皇城東燈市大街嘉靖二十九年立戎政府統以勦
臣一員曰總督京營戎政佐以文臣一員曰協理京城
戎政營制有三中曰五軍東曰神樞西曰神機五軍營
析為營十六神樞營析為營十神機營析為營九凡三
十五營聯之則三大營又聯之則總曰戎政府崇禎十
六年八月以襄城伯李國楨總督京營戎政國楨請上
御書營額上為親書共武堂賜之春明夢餘錄
原宣德六年正月朔以纂修兩朝實錄成賜監修總裁
纂修等官太師英國公張輔等宴以上三條原在
於行在中軍都督府館閣類錄城市門今移改
原五軍營即國營景泰初年建立于安定德勝兩閤外
之中嘉靖二十九年罷團營始更於此南面建閤武門
閤武門起至北土城止長一千七百四十二步設將臺
一座前設旗臺二座石榜牌一座鼓棚二座石旗架二
座演武廳一座春明夢餘錄
原神樞營即舊五軍營永樂初年建立於德勝閤外之

西舊神機營在新立神機營之西嘉靖二十九年罷團營將五軍營更團營以神機營更舊五軍營而神機舊營竟廢 同上

原天順八年三月會昌侯孫繼宗兵部尚書馬昂議將五軍三千神機三大營原選馬步官軍十一萬九百餘選足十二萬分十二營上無之遂立奮武權武練武顯武敢勇果勇敢勇効勇立威伸威揚威振威十二營名以內臣十二員監鎗 明英宗實錄

原成化三年四月設十二營坐營官以平江伯陳銳等為之 明憲宗實錄

原成化十年八月英國公張懋上言五軍營舊教場在德勝門外初以狹不容衆而三千營兵少教場廣因而易之復立十二營又以大教場移與圓營而五軍營暫就錦衣衛教場愈狹不能容令觀三千營兵終少宜就錦衣衛教場仍以舊教場還五軍營為宜允之 同上
原京營之制國初止有五軍營五軍者中軍左掖右掖

欽定四庫全書

大略也 裁園雜記

卷七十三

原明興兵制有五軍營五軍營變而為三大營三大營又變而為團營團營變而我政府之名始立矣其沿革之由盛衰之故大槩可考焉五軍營者高皇帝所定也籍留守等四十八衛之衆而訓練之有中軍有左哨右哨左掖右掖總之曰五軍無事則戒弓馬習技擊環衛都城有事則簡師命率分統以出事已而休制至善也文皇帝時仍五府之舊增七十二衛又以龍旂寶纛等物下三千騎立三千營後征交趾得神鎬火箭之法立神機營是為三大營訓練如高皇帝時而河南山東大寧中都四都司之軍又歲以班操春秋番練如三大營蓋詳備矣洪宣之世海宇昇平兵革不試將士窳日以廢壞至于正統嬉恬益甚京營之兵至不能受甲此已已之變所由興也于肅愍逆多難之秋深惟良策乃于三大營中拔其驍銳分為十營營萬人其統之之官則隊長統五十人隊官統百人把總統千人都指揮統

五千人訓練之方則有八陳八陳分而為六十四陳纖
微委曲咸有條理雖未能盡如祖宗之舊要以救弊舉
廢振弱為強斯亦有足觀者天順初年務反景泰之所
為遂革團營八年而復成化初再革二年而復又增為
十二營營萬人京兵八萬益以外兵八萬分兩班課之
期年一報代初十二營之選也其任者名曰選餘不任
者歸本營名曰老家老家固已孱弱而所謂選餘者歲
久浸失其初供役于私門掊克于主帥上下相蒙歲月
無事愈益脆弱與老家何異庚戌之役無能加一矢者
都門晝閉燧燧燭天肅皇帝震怒責令廷臣博謀所以
強兵之略諸臣乃請復三大營改三千為神樞統以勲
臣舊以樞臣巡以臺臣省臣其大指俱如洪永時而規
制為備上是其議著為令及今數十年其弊又有甚于
曩日者 蒼霞草

原三大營者曰五軍曰神樞曰神機領之者總督提督
協理外有四衛營以龍驤左龍驤右武驤左武驤右四

衛官軍充之為天子禁旅以御馬監掌印太監為提督
後曹淳化領之改名勇衛營以黃得功周遇吉為將練
為戰兵又有巡捕營專司捕盜以五府帶俸都督為提
督後添設內臣一員名內提督及王之俊為之亦練為
戰兵改名練捕營襄城伯李國楨請選京衛幼官應襲
舍人六十充護衛名選練營總計京營兵不下數十萬
而可用者獨勇衛以上八條原在
明遺錄 郊垣門今移改

原明宣宗都督府箴 天命太祖興自武功海宇既寧
武備實崇皇祖皇考嚴絕祖武兵戎之政總以普府朕
嗣大統祇率舊章居安慮危夙夜不忘惟昔帝王咸奮
武衛靖亂保民安內攘外凡今兵衛布在四方總制于
中有維有綱惟是樞機爾司具柄宜敬念之以脩其政
將有才智士有勇銳部伍有訓儲峙有備除治戎器豫
戒不虞政修兵堅誰敢侮予爾敬念之母忘母急必壯
具猷以輔予治 官箴

補鄆德漕京營戎政府題名記 國朝業以錦衣諸衛
衛宮禁矣而京營之設獨主巡徼彷彿漢南北軍相制
而所謂班換兵取諸山東河南中都又仿漢調三輔之
規焉然高皇帝故以衛兵分隸五府獨有五軍營爾自
文皇帝聚兵北伐歸而結營團操始設三大營曰五軍
曰三千曰神機營以勲臣二人提督之而不為開府置
篆也當此之時蓋以勝兵四十萬稱最勁焉凌遲至于
已已之變營務弛矣于是于肅愍更簡銳銳十五萬分
為十營而訓練之命曰團營而其餘者為老家營蓋一
變矣當時仍用勲臣提督蓋以大司馬其後益團營為
十二而提督如故正德初至用中貴人參之號曰監鎬
而戎務滋疏焉嘉靖中乃設東西官廳簡銳銳六千人
為聽征又一變也蓋自三大營還兵為團營團營選兵
為東西聽有東西廳而團營又與老家軍等矣則積弊
耗之漸也肅皇帝深懲庚戌之變詔撤中貴人盡罷提
督東西廳復改三千營為神樞并舊五軍神機為三特

設提督一員一人為大將又命文臣一人協理之則今所謂戎政府也蓋舉十餘萬衆而統于一人開國以來兵權未有若斯之重已顧趙文貞上言兵權獨主強者扶之可虞弱者引嫌而不敢振非強兵固國之術則請倣祖宗分府意錯置五營各擇一將董治之而大臣以時巡覈校閱焉乃行之三日見謂號令不一而復議專制豈分合于時固各有當歟抑自有要領在而不係乎制之分合歟臨淮侯李公言恭少司馬辛公應乾籍錄前任人姓氏勒之石而屬余記營制革興之略焉夫詩謨竭智為國揚武壯士之槩也精白一心捍衛王家蓋臣之軌也執節壯猷以功德自垂不朽哲人之致也繼斯任者觀于是碑亦可以悠然興矣吉州人文紀略

原在城市
門今移改

臣等謹按以上各條附原書五軍三營團營及戎

政府



欽定日下舊聞考卷七十三

欽定日下舊聞考卷七十三舉正

三十五營原本五訛一據春明夢餘錄改

皇城東燈市大街條

欽定四庫全書
欽定日下舊聞考卷七十三舉正

欽定四庫全書

史部

欽定日下舊聞考卷七十五

詳校官庶吉士臣胡鈺

檢討臣德生覆勘

總校官進士臣程嘉謨
校對愚謄錄中書日葉元符

欽定四庫全書

欽定四庫全書

國朝苑囿

南苑一

臣等謹按苑囿之設所以循覽郊原節宣氣序仰

住

開國以來若

南苑則自

世祖肇加脩葺用備蒐狩而

暢春園勅自

聖祖

圓明園啟自

世宗實為勤政勅幾劄農觀稼之所

皇上紹庭繼述每歲恭值

駕幸

圓明園凡蒞官治事一如

內朝晷刻靡間其傍近

園居若

清漪

靜明

靜宜諸園規制樸略以備歲時

觀省恭誦

宸章惟以民依物候雨暘農穀為務今謹依次釐卷編錄至朱彞尊原書如南海子高梁橋甕山西湖玉泉山香山諸地皆載郊坰門今為摘叙分附於

國朝苑囿各條後使有原委可證焉

南海子在都城南二十里

歲輔
通志

臣等謹按南海子即

南苑在永定門外元時為飛放泊明永樂時復增廣其
地周垣百二十里我

朝因之設海戶一千六百人各給地二十四畝春蒐冬
狩以時講武恭遇

大閱則肅陳兵旅於此

聖祖御製南苑晚景詩
薰風南苑翠旂回處處連雲

暮色催夜火，輝煌盈帳幕。離宮長待萬幾來。

聖祖御製駐蹕南苑遣使恭進

太皇太后鮮果詩
日永離宮節候新
薰風早已獻嘉

珍赤瑛盤內甘鮮果奉進

瑶池第一人

乾隆四年

御製南苑獲野禽恭進

皇太后詩 積雪滿郊坰三冬農務停鳴笳齊隊伍布
令疾雷霆馬足奔如電鷹眸迅似星山禽味鮮潔飛騎
進

慈寧

乾隆五年

御製秋日奉

皇太后駕幸南苑即事八首 歲荷

天恩慶有秋欣陪

慈輦駕龍輜如京畿旬風光好萬戶歡聲夾道周 虞
人建幟旬人隨南苑秋清好獵時閱武此來兼省斂香
風餅餌拂旌旗 萬物熙和大道中郊原輝映苑門紅
承歡仰識

慈顏豫祇為

天恩錫屢豐
羽衛森翹
上帝城順時清蹕
此巡行金
吾底事頻傳警
便欲周知閭巷情
十里秋光
伯虎畫
一鞭斜日
晾鷹臺
衆中掄得穿楊手
琥珀光濃
賜御杯

扈從長承

愛日暉五雲高捧鳳輿輦問

安戶外親調膳手射郊原鹿正肥 離宮月影透書窓

法曲時聞畫鼓擬題柱吟餘思往事不知絳蠟爇銀釭
從來稽古戒禽荒宵旰勤勞敢刻忘懽樂正饒還止
輦屬車侍從有東方

乾隆十三年

御製南苑行宮晚坐憶經畧大學士傅恒 依然庭宇

靜竭爾研既間一室澄心處兩年睽眼間

南苑未至衡蓋二年矣

寒懷碩輔此際歷重闕所願明天討成功指日還

乾隆十四年

御製去歲冬月駐南苑行宮有憶經畧大學士傅恒之作茲以金川平定恭謁

孝陵

景陵回鑾取道南苑往易州恭謁

泰陵駐蹕行宮見壁上舊題輒疊原韻 早傳三箭定

稍得萬幾閒迴蹕經臨便逾年想像間軍聲揚雪嶺興

頌溢桃闕

經畧大學士振旅而歸成都士民迎至桃闕歌頌載路此所謂父老扶杖以觀武成者乎

離聚何須論心同孰往還

乾隆二十一年

御製南苑行宮疊舊作韻

有序

孔林告祭禮成旋蹕

展謁

孝陵

景陵由趙北口取道而東經臨南苑遷次逾宿循覽舊

題感時觸緒輒仍原韻用述近懷 離宮信宿重闕情

綈几芸編觸目清詎料鹿麋仍計詐尚教頡利待擒生

起鑒日西路軍營馳報擒獲阿睦爾撒納露布蓋據以
告者乃逆賊緩師之計也已而策楞等知其為詐督兵

速進刻驅除已奏伊犁定初阿睦爾撒納潛蹤伊犁聞
期往擒

迎策楞等遂以二月二十四日收復其地 旋轉終歸絕域平

謨烈在天祈默佑

橋山東望薊雲橫

乾隆二十三年

御製南苑賜哈薩克布魯特塔什罕回人等觀烟火燈

詞 款闕定祚復存卽慶典頻繁舉仲冬為耀光明逮

疏狄先陳曼衍引魚龍 燈火城南六十春

康熙二十三年閏元

宵蓋曾在南苑陳烟火後以疋幅春圍率於彼度節不復在此觀燈者六十餘年矣重觀因賚遠

來入村民遙近扶攜至不禁金吾例可循 百道流虹

貝闕朝光明彷彿上元宵田蠡事例雖云早已盼霏空

六出飄 後先接踵共來尊難學蕭王閉玉門爆響連

珠成捷報便期早晚定堅昆

時吾師方園葉爾奇木城日夜望捷音之至

風定時暄夜正長上弦魄影已騰光

時十一月初五日

周家建

子原正月想是嫦娥也為

去聲忙

鱗集應教一視同避

寒燈火夜深烘高張黃幕三巡罷訝似清涼萬樹中

山莊

三十六景內無暑清涼後即萬樹園過年觀燈火宴遠著之處

翠火明燈玉樹攢化

城蜃閣絳雲端元宵預借休相擬惠遠寧為好樂觀

萬幕高竿揭野燈半輪真是一條冰肩輿宴罷還行館

惕夕因心畏益增

乾隆二十八年

御製二月三日幸南海子

有序

紫籞敷筵乍過頒春

以後紅門候仗方當作社而前念西潒陪使將歸俾南
苑首途載遣時乃日長熊館草痕細簇馬蹄風暖鷹臺
林影徐翻鳩羽得氣驗神臯溫宴古苔已綻雙槐循名
知陸海膏腴新溜常飛一泊爰徵近衛還叅典屬材官
偶試初圍不校司衡簿正值嘉景昭蘇伊始詎效三畋
臻遐陬綏靖以還寧弛九伐眷爾朝元奉表未預隨獵
騎秋行客予紀歲留題頻迴憶軍書夜治因抒即事以

誌緣情 慶節難辭宴賞頻
詰戎欲示遠俅人橐鞬御
馬非從鹿帕幘趨塗仰集鱗
信宿言旋寧玩日羣生資
養惜當春武成猶此不忘武
王國聲靈被海垠

乾隆三十六年

御製海子行 元明以來南海子周環一百六十里

元明

諸家記載並稱海子周圓一百六十里今
慈垣故址剝然實按之不過百二十里耳七十二泉非

信徵

日下舊聞稱有水泉七十二處近經細勘則團河
之泉可指數者九十有四一畝泉亦有二十三泉

戰舊數殆贏其半
野無徵大率類是

五海至今誠有此

舊稱三海今實
有五海子但第

四第五夏秋方有水冬春則涸耳

諸水實為鳳河源藉以盪澤防運穿

海子內泉源所聚曰一畝泉曰園河而潞水則有五海子考一畝泉在新衙門之北曲折東南流經舊衙門南至二間凉水河自海子外西北來入苑匯之具水發源右安門外之水頭莊東流折而南入海子北牆至此又南流五海子之域水自西南注之又東南流出海子東牆過馬駒橋至張家灣入運園河在黃村門內導而東南流逕瞭鷹臺南過南紅門五海子之水自北注之又東流出海子東南是為鳳河東流歷東安武清境至天津之澉口與永定河會渾水藉此盪漾乃成清流又東至韓家樹入大清河又東至西沽入運雖五海子之水與凉水河園河時相灌輸而二河正流仍各判別若玉泉則由昆明湖達於長河穿禁城出東南流為通惠河至通州入運並不經行海子與一畝泉園河渺不相涉綜而論之通惠河源在北入運最近凉水河源居中入運

次近鳳河源在南入運最遠源委秩然不紊前代著述家未加稽考率以玉泉亭附海子支離可笑因詳訂之

歲久淤闕事疏治無非本計塵黎元蒲葦戟戟水漠漠
鳬雁光輝魚蟹樂亦弗恒來施矰繳徒說前朝飛放泊
迤南有臺高丈餘瞭鷹猶踵前明呼其顛方廣不十丈

元院何以容仁虞

吳偉業梅村集云瞭鷹臺元之仁虞
院也今臺基宛然尚存其顛不及十

大勢不可以建院即云臺或傳院而旁近皆曠地杳無院址可徵髣髴其謬不待辨矣

二十四園

泯遺蹟

偉業又言明置二十四園明時較元更近豈有二十四處漸滅無存若此且不能一舉其名耶

耕地牧場較若畫是何有於國用資裕陵詔諭量斯窄

所存新舊兩衙門中官爾日體制尊一總督更四提督

見明朝
宮史

有如是夫勢燄薰內虛外怨禍來乍大軍曾此

經南下

我朝 太宗文皇帝時六師既圍燕京分兵南下道經海子如入無人之境舊傳曾於此中

射黃羊
鹿兔

閣逃不知何所之縱橫路便黃羊射勝朝廡殿

但存名

在新舊兩衙門之間相距各十餘里

顏坦落柳埋榛荆葦為駟廐

飛龍牧時得良騎出駿英沿其成例海戶守芻蕘往焉

雉兔否設橈聽之將無禽

苑中鳥獸皆馴秦之物豈能任遊手弋獵竟無典守向以

子與氏文圖之喻不免過情設果聽民盡取久之將無雉兔所為盡信書不如無書曾有詩紀及此然雖有禁

制亦宜如孟子所云殺
康鹿者如殺人之罪乎如殺人罪則何有少時習獵歲

歲來獵餘亦復攄吟裁五十年忽若一瞥電光石火誠

迅哉即看平原醵柳樹疊為賓主凡幾度

苑中有醵柳其一先萎補

植之拱把矣其一復繼焉萎補相踵撫而增懷緣起並惡昔所為賦

世間萬事付不知風

擺長條祇如故

乾隆三十九年

御製啟蹕幸南苑詩

南苑邇來臨弗亟去年今歲兩

臨加昨緣迴蹕奉

金懣

上年春閱視河決工程因恭奉皇太后巡幸天津由水程回鑾登陸後便道披奉慈輦臨總南

苑

茲以落成禮碧霞

重修馬駒橋碧霞元君廟歲工擇於十二日親致辦香慶落而南頂

神廟亦丹麓鼎新因分日虔詣瞻禮路便遂駐新舊衙門行宮習習風輕花放蕊漾漾

露重麥抽芽因之更為

去聲

思膏雨祈稔吾懷詎有涯

臣等謹按

南苑

御製諸詩謹繹有關紀述事實之篇恭載卷內餘不備

錄

南苑以奉宸苑領之統圍大臣督八旗統領等各率所屬官兵先涖圍場布列鑲黃正白鑲白正藍四旗以次列於左正黃正紅鑲紅鑲藍四旗以次列於右兩翼各置旗以為表兩哨前隊用白兩協用黃中軍用鑲黃

駕至圍場合圍較獵

同上

聖祖御製南苑行圍詩
苑中間教陣無事靜論邊不
廢時苗典思周天下先

乾隆七年

御製射獵南苑卽事詩 旭影瞳眈射綵旂
虞旌初建

趁中秋馬嘶平野金聲肅箭落輕莎露氣浮
增城門

外接村垌禾黍垂黃菜麥青今日翠華憑賞處
要知憂

思幾番經 靺鞨縶縶列羽林當秋文園偶經
臨承平

詎肯忘戎事萬戶饑寒更惕心 翼翼堆場皆
早穰纍

纍懸架足秋壺幽風底用丹青筆十里煙郊入
畫圖

北紅門裏仲秋天爽氣游絲拂錦韉行過雁橋
人似畫

踏來芳甸草如煙 南苑宜秋宜獵時禾香風滿
赤鷺

旗少年熟讀相如疏每至歡娛鑒在茲 榆槐黃染野
花殷策渡時過水一灣千朵青蓮萬章錦却教人憶塞
中山 省耕省斂古曾聞望處西成意亦欣漫把豐年
容易看幾多憂慮塵宵分

乾隆十九年

御製行園詩 南苑臨春暮青郊試小蒐畧觀虞者技
宛憶少年遊勞衆寧堪亟攜孫自有由

今年兩孫皆八
歲因攜以來示

之度 翻犁見耕父諮穡每延留

乾隆二十年

御製行園三首

綠原小試估閑騶

所乘馬名

俞騎鴻網認

五稂勝日尋芳兼示度雕龍何用賦春蒐
露潤青衢

草氣醺陽和舉目化機含季登漫詠中雙兔一日雙還

倍彼三

是日凡射中
八兔故云

生風耳後最豪情付廿年前繡

壤平不廢武還思諫獵箇中吾自有權衡

乾隆二十三年

御製行園三首

春郊取便命春蒐弓燥偏欣手更柔

綠野平鋪天鹿錦好教親試信閑騶

所御馬名

正諫相如

信不誣習勞亦欲示蒸徒若云今古非殊致封建井田

行得無小死大兕曾何必四兔一轡適可哉

是日親射中者

顧語侍臣今較劣有人曾見少年來

又

御製南苑行圍襟詠

盤谷迴鑾攜貴山栢冬苑景益

蕭閒先來大獮均曾預

上年左部哈薩克及今秋布魯特赴覲木蘭皆得隨獵今右部

哈薩克等繼至攜赴南苑閱武錫宴乘便行圍亦令具隨列預觀

小狩應教視此間

草枯廣甸馬蹄輕
疊中非誇技擅精
驚喜從他遠方訝
歡呼驗我衆人情
疎蕪淡靄接寒林
勒馬凝思亦偶吟
二十年前習獵我
原無爾許創垂心

乾隆二十九年

御製南苑小獵即事禱詠

百年寺宇事重新

苑中永慕寺元

靈宮皆因年久重事新葺茲以仲冬月中浣落成躬詣瞻禮道便小試行園

卜吉落成展禮

親小獵却緣來宿便漫同冬狩擬時巡
木蘭迴後射

何曾馬上金弓

御用弓以金桃皮飾之

勉始勝却覺屈支失調習

可應警語忘

去聲

枚乘

今來不是少年身擇地徐馳諫

獵循雙兔中連猶覺愧何當奇事賦文人

乾隆三十九年

御製小獵三首 圍牆近以種田周柳外平原佈獵騶

近海子瑤設莊頭種地植柳為限其外平原皆獵場

適可而行適可止此來非特

為春蒐 業已圍陳曠野間罷而弗用似耽閒設云愛物當

春令爾雅曾無蒐字刪 磬控自知不及前挽弓斃兔獲纔

連艷稱雙中仍嗤彼

乙亥春南苑行圍一日射中八兔因有季登漫翔中雙兔一日雙還倍彼三之

句今日小隊行圍射兔僅獲其二忽忽二十年竟如向
之所嗤實堪自哂然余春秋六旬有四猶能馳射中雙
雖未符昔日所云差足驗習勞弗懈
之志非徒誇精力未衰藉以解嘲耳
今日翻嗤衆亦然

乾隆四十七年

御製仲春幸南苑即事雜詠

南苑前年曾一過

前歲庚子

秋自熱河迴蹕恭謁苑菰諳

西陵未及行圍距今不覺兩年矣

寒暄閱

歲迅逶迤手柔弓燥思典論小試春蒐仲月和
於此

習圍憶少年朝家

家法意深焉

余十二歲時恭侍
盛我朝

家法最重
皇祖於南苑習圍
騎射無不自幼習

勞今每歲春間仍命皇子皇孫皇曾孫輩於此學習行圍所宜萬年遵守也 今仍命子孫曾

輩一例遵行奕葉傳 北紅門外水田治路便輕輿快

覽之苑內亦多宣剔處

近年疏剔南苑新舊諸水泊已成者共二十一處又展寬清理

河道清流演漾滙達運河並現在擬開水泊四處次第施工通流濟運較昔時飛放泊尤為益利云 由來

萬事在人為 平原早已列圍場風作宣教罷獵行不

惜畏勞將致議古稀遵養亦云當

臣等謹按

南苑行圍

御製諸詩謹繹有闕紀述事實者恭載卷內餘不備錄
康熙二十四年

聖祖仁皇帝幸南苑大閱擇

南苑西紅門內曠地八旗官兵槍礮按旗排為三隊

聖祖仁皇帝率

皇子等環甲前張黃蓋內大臣侍衛大學士及各部院
大臣均扈從後建黃龍大纛

聖祖仁皇帝周閱八旗兵陣閱畢

駕還行宮

特降敕諭申明軍令宣示於大閱之地是日未閱前官兵均

賜食閱後

賜酒

會典 大清

凡大閱吉期由欽天監選擇先期二日武備院設

御營帳殿於

南苑晾鷹臺

帳殿後設圓幄恭候

皇帝躬御甲冑既成列兵部堂官奏請

皇帝閱操

駕臨瞭應臺圓幄躬擐甲冑扈從內大臣侍衛親軍等
均甲冑奏請

親閱隊伍內大臣兵部堂官前導後扈大臣及總理演
兵王大臣隨從

御前大臣侍衛

乾清門侍衛滿洲大學士等均隨行其次豹尾班侍衛隨行又次黃龍大纛隨行又次上三旗侍衛按次隨行在火器營兵之後首隊之前自左至右閱隊一周還

御晾鷹臺帳殿兵部尚書進前跪奏請鳴角帳殿前蒙古畫角先鳴次親軍海螺傳令海螺以次遞鳴聲至鹿角前首隊次隊海螺齊鳴舉鹿角兵聞擊鼓而進鳴金而止麾紅旗則礮槍齊發鳴金則止如此九次至第十次連環齊發鳴金三次乃止滿洲礮至第七次停發連

環發畢鹿角分為八門首隊前鋒護軍驍騎排開駐立
次隊亦隨進候鳴螺皆聲喊前進兩掖應援兵亦斜向
前進以次及殿後兵進鳴螺而回

大閱禮成

駕御圓幄釋甲冑

駕還行宮每旗應

賞饌筵五十席豬二十羊二十並薪炭等物於

大閱日黎明王大臣等並內務府官尚茶尚膳人等公

同監看務令煖食周徧

同上

臣等謹按

大閱全儀及官兵器械旗纛槍礮金鼓各有定數詳見
大清會典茲不備載

乾隆四年

御製大閱詩 時狩由來武備脩特臨南苑肅獵貅龍
驥選將頗兼牧天駟掄材驥共駟組練先生殘雪映旌
旗影動朔雲浮承平詎敢忘戎事經國應知有大猷

乾隆二十三年

御製仲冬南苑大閱紀事詩
廿年一舉寧為數

己乾
未隆

大閱至今
蓋廿年矣

周禮分明節候論便設軍容示西域

時哈薩克布魯

特塔什罕回人等皆令預觀

佇看露布靖堅昆

通日盼將軍兆惠
喜音殊切於懷

好

齊以暇千旂颺既正還奇萬礮喧風日晴和士挾纘非

子恩也總

天恩

臣等謹按

南苑大閱

御製詩謹繹有關紀述事實者恭載卷內餘不備錄

大紅門內

更衣殿南向門二層

大殿三間

南苑冊

臣等謹按

大紅門南苑正北門也亦稱北紅門舊有南苑官署房

三層共十有八間

更衣殿乾隆三年建殿內恭懸

御書額曰郊原在望聯曰舊題在壁幾行綠曉日橫窓
一抹殷其南為地藏菴東為小龍王廟

聖祖御製海子北紅門秋雨後行圍戲作 晝漏稀聞
紫陌長霏霏細雨過南莊雲飛御苑秋花濕風到紅門
野草香玉輦遙臨平甸濶羽旗近傍遠林揚初晴少頃
布圍獵好趁清涼躍驪驕

乾隆十五年

御製北紅門外即景詩 北紅門外曉迴鑿雨後春郊

料峭寒五鳳樓高直北望居庸遙列玉為巒 青牟撲

隴蔚蓬蔥微雪侵晨一律融却憶龍沙宣郡外幾多毳

帳怨春風

蒙古以游牧為生春雪風作牛羊多凍斃故畏之甚於冬日南北風土不齊有如此者

夜聞風盛愁無寐曉見雪消喜動容豈是喜愁太無

定都來念裏為三農 別奉

慈輿旋保陽

命誠親王率法從自保定侍后進宮以減從紆道欲視永定河工

皇太

紆

途永定閱隄防將旬萱祀疏溫清此日詢

安謁壽康

乾隆二十八年

御製入北紅門小獵卽事四首 出城十里到紅門近也虞丞典制存却厯五年方一至迅哉何以駐高奔

朝家武備萬方欽畧示西戎寓意深何必三驅詔他藉
此來本不為從禽苑中小獵心猶喜習氣了知未易

降臂痛雖然難射鵠馬馳中去聲兔尚連雙
廣甸土蘇多

作渾揮鞭視馬力徐馳為思積潦疏消處春種可能不誤時

臣等謹按

御製北紅門詩謹繹有關紀述事實者恭載卷內餘不備錄

元靈宮在

南苑順治年間

世祖勅建

歲輔
通志

臣等謹按

元靈宮在小紅門內西偏順治十四年建乾隆二十八

年重修山門三楹南向額曰宅真寶境內為朝元門中構

元極殿十有二楹圓殿重檐置門二十有四奉

玉皇上帝恭懸

御書額曰帝載元功聯曰碧瓦護風雲別開洞府丹霄
懸日月近麗神臯殿後為元祐門內為

凝思殿重簷殿宇五楹奉

三清四皇像

御書額曰上清寶界聯曰顓氣絪縕一元資發育神功
覆幬萬彙荷生成東曰翊真殿奉

九天真女梓潼像西曰

祇元殿奉

三官像殿前穹碑二恭勒

御製詩再後隨牆

宮門後圍房十六楹中三楹為靜室

聖祖御製南苑元靈宮詩 南苑元靈宮是

世祖皇考建 傑閣橫霄峻清都與漢翔規模開壯麗

星宿燦輝光碧瓦浮空翠金鋪映日黃門當啼鳥靜戶

皇曾祖世祖章皇帝建也敬依

皇祖聖祖仁皇帝韻以誌敬仰之忱時冬至月朔日

閱狩金輿駕鳴騶赤羽翔千官分驚序萬姓仰龍光雪
積平原白泥鋪御道黃翠華來別苑初地散天香香靄
雲生路蕭森松泛涼星辰圍斗宿丁甲護虹梁屏念瞻
瑤殿虔心禮素王若臨欽在上作極愧惟皇祇以紹庭
切何能與物昌律身懷監史敷化體

穹蒼文德猶慙未武功不敢忘菟苗遵古制逸豫戒禽

御製謁元靈宮詩

規制仿光明

是宮建於順治年間蓋仿京都光明殿之

制光明殿則明朝所建也

年深喬樹成蓋緣福萬物詎是媚三清驅

過可無顧入瞻祇屏營前題一再讀今昔定誰名

乾隆二十九年

御製謁元靈宮即事詩

百年

天宇煥今朝

宮自順治十四年建立逮今蓋百年矣

慶落涓辰對

赫昭浮柱神扶俯寥廓洪階躬陟仰峇堯穆然匪冀喬

佺遇顓若惟祈風雨調古栢蒙籠護懸圃微颺疑奏九

靈簫

臣等謹按

元靈宮

御製詩謹繹有關紀述事實者恭載卷內餘不備錄

舊衙門宮門三楹

前殿五楹二層三層四層殿宇各五楹

苑南冊

臣等謹按舊衙門在小紅門西南建自前明

本朝順治十五年重加脩葺前殿

御書額曰閱武時臨第三層殿

御書額曰爽豁天倪東壁題聯曰平野晴雲橫短障滿
川烟靄潤新犁東間為佛室聯云七寶莊嚴成滿
字四花湧現得全提四層殿西間

御書額曰清溢素襟東間聯曰短長詩稿閒中檢來往
年華靜裏觀中間聯曰入座韶光發新藻隔林山
鳥試春聲

乾隆九年

永捐丙舍長眠又隔載離宮不到已三年憑叅幻夢清
宵裏一枕鐘聲古寺邊

乾隆二十二年

御製舊衙門行宮即事詩 撲斲軒楹翰墨庭老榆晚

菊景清妍春秋蒐獮尋常憩來往光陰卅五年

予自十
二歲隨

皇祖來此至
今蓋三十五年矣 見獵寧關動心喜習勞率欲以身先

浴那服射非嫻射

時哈薩克使臣隨圍無一善射者然
見馳馬連中無不心服國家弧矢之

威 示度因人有別權

乾隆二十三年

御製舊衙門行宮小憩詩 別館向陽開收圍繫玉駢

非關問花柳。率欲憩輿。儻春雨全滋。鮮北寒始放。梅處是。

書室前種梅竹蒼松北方寒向無植梅於地者近始有之雖成活而開花必在二三月云小停旋移

蹕匪為豫遊來

乾隆二十八年

御製舊衙門行宮即事詩
別館駐旌旂森然古樹稠

庭軒去卑濕翰墨足優游潦盛將成杞年深事重去聲脩

夫聲脩

舊衙門行宮蓋仍明季所有經百餘年未大修葺
去歲霖潦漏圯益多奉宸諸內帑重脩煥然一新
杜甫什不樂祇生愁

乾隆四十七年

御製舊衙門行宮即事詩 庚子壬寅忽隔歲祇如瞬

息度高奔予茲十二侍

聖祖今乃七旬閱衆孫塵世流陰真是幻勝朝往事漫
重論拈毫新什續舊詠憂憂難哉去陳言

臣等謹按

舊衙門

御製諸詩謹繹有關紀述事實者恭載卷內餘不備錄

西書房南為書室

苑
冊
南

臣等謹按蔭榆書屋額為

皇上御書聯曰烟霞並入新詩卷雲樹長開舊畫圖

御書聯曰雨足春郊亭臯開麗矚風清書幌花竹有真

香

乾隆九年

御製蔭榆書屋作 蔭榆書屋南苑舊行宮內曩時讀書

舍也佳蔭滿庭綠窻半榻邈然有懷率爾成章 我昔讀書

時對榆寫襟懷我來讀書舍榆樹依然佳何人手種植綠陰

滿空階撫茲重盤桓不肯易以槐

見唐書
吳琬傳

春風韻謖謖秋月

影皚皚罨窻紗綠綠棲鳥鳴啾啾占此書屋幽安得常汝皆

臣等謹按蔭榆書屋

御製詩恭載首見之篇餘不備錄

平臺樓之東另一所

宮門三楹內殿二層

苑冊南

臣等謹按二層殿內聯曰風經錦埭香猶細鶴步

蘭皋篆欲珽後為佛室

舊衙門西

永慕寺大殿五間東西配殿各三間後為經庫

苑冊南

臣等謹按

永慕寺康熙三十年建乾隆二十九年重修寺額

聖祖御筆也大殿奉釋迦佛像

聖祖題額曰香雲法雨

皇上御書聯曰心珠明映大千界性海常通不二門

乾隆二十八年

御製永慕寺詩

聖藻煥痕釵

寺額
祖御書也

皇
依依永慕懷見之於

大舜蓋以奉

思齋翠陰禪林葉綠回
忍草荻獵餘遊淨界詩句自安

乾隆二十九年

御製永慕寺詩
永慕建

康熙是寺 皇祖所建蓋祝
 太皇太后故也

孝莊虔祝釐遙年重煥若此日落成之佛豈故新繫寺
資脩葺為無須稱大舜

家法仰昭垂

乾隆三十二年

御製永慕寺詩

皇祖建斯寺追思

莊后遙向年重葺宇

在甲申

此日又憑寮梵樂僧迎奏此

向設喇嘛僧

風幡心與飄問予永慕者欽曰在

神堯

臣等謹按

永慕寺

御題額曰慧燈圓照曰善獅子吼
聯曰沙界淨因留月
印檀林妙旨悟風香
又曰慧鏡慈燈廣種善根垂
福祐溪聲山色遠從賢劫證
圓通院內穹碑二恭
勒

御製重修德壽寺碑記並

御製詩章

御座房三楹乾隆四十五年改建東室聯曰禪味每從
閒裏得道心常向靜中叅西室聯曰竹秀石奇叅

道妙水流雲在示真常

聖祖御製德壽寺詩 持身崇孝理清淨契真如歲久
開金寺時來降玉輿

乾隆二十一年

御製重修德壽寺碑記 南苑德壽寺創於

世祖章皇帝御宇之十有五年規制崇麗庭中金鼎範
冶精緻樂善堂集中所為賦寶鼎歌者也

皇祖行蒐南苑時常

臨幸瞻禮越乾隆二十年燬於火以其為

列祖聖蹟所留亟命更造殿宇仍舊名以誌弗忘工藏
所司以碑記請南苑為較獵地陂隰廣衍草木豐美羽
毛蹄角充牣繅繅選歲時之暇行圍較射以蒐軍實習武
備其於佛事不相涉也而營建特為宏敞金碧丹堊蔚
然傑構此豈徒以侈美觀已哉洪惟我

世祖肇造區夏乂安元元出水火而衽席之凡可利益
斯民者罔弗脩舉念大雄氏教能福佑羣生虔致宗奉

即一遊豫亦不忘邀福庇民德意茲寺之所為作也朕
常幸南苑周視檐宇仰瞻像設覃然想見當日幃覆萬
有為民祈福之忱輒低徊不能去夫後人所以續承前
休者惟其心不惟其蹟則茲寺固其蹟也而前人所以
垂示來茲者傳其蹟乃傳其心則茲寺即其心也鬱攸
弗戒遺趾僅在雖

開天之迹懿爍海寓無藉一寺以傳而歛時五福用敷
錫厥庶民隨在沾被流露於琳宮寶網間盛美庸可弗

誌踵而完之所不容已也後之人撫苑囿之繁盛仰蘭
若之莊嚴因以念開創時雖燕閒騎射設周陸逐禽左
足以騁懷遊目而祐庇斯民之思猶未嘗一刻置其於
法宮明堂之上更何如也則庶幾勤民家法即一寺而
昭示無窮而朕祇紹

謨烈弗敢失墜之意亦藉以表見云偈曰 有大招提
在南海子莊嚴樓閣照曜半空此南海子乃羽獵場飛
者走者蹄者角者或羣或友紛紜霍繹云何其中有此

淨土以何因緣何德慧故曰我

世祖即如來身手扶金輪安立世界於凡世間跂行喙
息十方生衆無不悲憫此悲憫心乃至剎那一瞬之間
未嘗間斷以故有時遊幸茲苑行圍較獵羽林欣飛期
門七萃前呼後哨挽強摧堅足可快心為樂忘疲而是
悲憫亦無不在以是因緣創此寶剎邀福庇民為遊豫
時叅禮之所花宮梵宇一一湧現成祇樹洎香積珍施
珠碧珊瑚種種瓊異歷百年來寶鼎特峙常新不壞無

何一朝不戒於火曰非火燬世尊慈緣醒悟大衆如舊
藏物習見不覺一時失却惆悵追思思得復見還我舊
觀忽觀是物頓復本原了了在目歡喜讚欲勝於前時
是一燬者正為顯出此悲憫心指示後世然而心不
以寺見若竟無寺於何見心故今重建青鴛蘭若金碧
輝朗一如其舊禮斯寺者當思昔時講武行樂不忘錫
福普庇三千大千世界此悲憫心如金蓮花隨地湧出
如長明燈六時不斷如大雲雨卉木藥草隨分受潤則

知今日重建殿宇乃是憑仗繼續因緣闡如來心演如
來事滋梅檀林護琉璃界歷千萬劫利益衆生

御製德壽寺古鼎歌 龍宮巍巍紫氣軒輝耀棖篋煥

崇垣寺名德壽菴羅園剎竿高挂珊瑚旂停鞭卸轡山
門前一滴欲尋曹溪源東瞻紫霧明朝暎清涼頓覺隔
塵喧香浮寶殿謁世尊兀然古鼎吐雲烟何人鎔冶工
雕鐫金翠斑斕歷歲年上文雷回下雲紘猙獰狀類獅
子蹲籀書斯篆跡難分世次那辨癸與辛蚪蚪盤屈蛟

龍奔周鼎虞敦恍猶存
葆精凝潤疑瓊璫寒光欲流不
可捫日月照射輪朝昏濯洗全資雨露恩在昔盛事傳
橫汾此鼎神異邁等倫我欲負之千蹄健移向帝闕鎮
厚坤充以大武佐魚豚萬斤木火為之燔有實大亨養
聖賢

乾隆四年

御製德壽寺詩 招提建百年勝境壓諸天
樹古龍蛇矯壇高雲霧連
珠旛飄赤篆寶鼎羃祥烟
暫去空林杳

猶聞鐘磬傳

乾隆二十二年

御製重修德壽寺落成詩以紀事
閱歲祇園致鬱攸

經營深意緬

前猷

寺建於順治年間
行圓常所臨幸前歲不戒於火持勅重修

世祖

聖祖南苑

固知

一切有為法作如是觀無可留盡洗何妨萬緣淨重提
依舊四禪脩從茲法雨霏金地澤潤蒼生百億秋

乾隆二十八年

御製德壽寺詩

花宮火劫後重新

是寺於乙亥年遭回祿因重新之落

成後至今
又七年矣

敗是成因成敗因調御丈夫都不較如然法

爾示於人

乾隆三十二年

御製德壽寺詩

收圍臨竺宇屏息禮金身松栢祇如

舊殿庭已煥新

是寺曾遭回祿因重造今仍金碧煥然

遷中有常住義處

即能仁

習武義之屬故云

古鼎益蔚翠

殿前古鼎巍然翠色可愛向曾有詩

那知

秋復春

乾隆三十六年

御製題德壽寺詩

殿堂重建又經年喬木龍蔥祇故

然下馬入門早忘獵無僧守寺莫非禪

寺遭乙亥回祿後經重建祇今

苑隸看守
弗居僧人

風飄幡影演真偈鳥啄窓虛窺法筵

大德由來必得壽儒宗梵義有同詮

乾隆四十五年

御製德壽寺詩

德壽禪林成

世祖

德壽寺建於順治十五年
詳見丙子重修寺碑記

爾時達賴喇嘛朝何期

一百經年久

五輩達賴喇嘛以順治九年十二月來京時我世祖駐蹕南苑即於此迎謁

賜宴至今百二十餘年班禪額爾德呢祝釐來又見班

覲又復於此謁見後先輝映實為國家盛事禪祝嘏遙適我東歸西去便今歲以余七旬初度敬謁東陵禮畢取道南苑

恭詣西陵適為經行順路許其駐錫謁鑒翹翻經揭律尋常謹可

悟鐘聲披七條喇嘛教以誦經持律為事雖有悟無我無生者不似禪僧之豎拂棒喝單提向

上流而為口頭禪者

臣等謹按德壽寺

御製詩謹繹有關紀述事實者恭載卷內餘不備錄

關帝廟山門一楹前殿二層殿後殿各三楹

南苑冊

臣等謹按

關帝廟建自明嘉靖年間在德壽寺西南里許

本朝乾隆三年重修山門南向前殿奉

關帝二層殿奉真武後殿奉三世佛

永佑廟山門三楹大殿三楹後宇九楹

南苑冊

臣等謹按永祐廟在德壽寺東南二里許康熙十

七年建大殿曰延真殿中奉天仙碧霞元君

御題聯曰漫教勝鬘霏花雨應有卽伽衛法筵東西配
殿東曰協佑殿西曰弘育殿後宇聯曰花宮具見
嚴而妙別室還饒清且嘉皆

御書

乾隆二十三年

御製永佑廟詩 永佑於何創

仁皇祝

太任經翻花落畫寺古樹連陰雨足滋忍草春深多語

禽欲尋少年蹟無處覓三心

臣等謹按

永佑廟

御製詩恭載首見之篇餘不備錄

欽定日下舊聞考卷七十四